



KOMUNIKADO PA PRENSA

Fecha
5 Augustus 2013

Email
jhanirha.anita@gobiernu.cw

Nr.

DIREKTOR NOBO PA DEPARTAMENTU DI AVIASHON SIVIL DI KÒRSOU

Willemstad – Minister di Tráfiko, Transporte i Planifikashon Urbano señor Earl Balborda ta laga pueblo sera konosí ku direktor nobo di e Departamentu di Aviashon Sivil di Kòrsou, den persona di Sr. Oscar Derby MBA. Manera ta ya ampliamente konosí, for di dia ku Minister Balborda a asumí responsabilidat di e kartera ya mensioná, su kompromiso ku pueblo di Kòrsou ta pa hasi tur loke ta den su alkanse pa hiba pais Kòrsou di kategoria 2 pa kategoria 1. Den kuadro di esaki, Minister a bini ta traha inkansablemente buskando tur posibilidat tantu lokal komo internashonal pa ekipá su Departamentu di Aviashon ku personal profeshonal i kapas.

Eks teniente Kolonel (Lieutenant Colonel, retired) Derby, for di 1 di ougùstùs 2013, a asumí e kargo di direktor nobo di Departamentu di Aviashon Sivil di Kòrsou. Señor Derby a traha 27 aña komo piloto na Jamaica den Defence Force i e la studia i gradua pa su MBA den maneho di Sektor Públiko na e prestigioso instituto MONA Institute of Business. Na aña 2000 e la retirá den e rango di “Lieutenant Colonel, pa despues e traha 10 aña komo Commanding Officer na e parti Militar di Aviashon na Jamaica. E eksperensia ku e la atkerié durante e último 13 aña ta inkluí Flight Operation Inspektor pa e Airbus A-320 Aircraft akinan e tabata tene diferente sorto di kontròl manera route checks i simulá tur check riba e personal di vuelo di Air Jamaica.

E tabata responsabel pa e implementashon di e FAA (Federal Aviation Administration) kual ta e outoridat di aviashon sivil di Merka su Aviation Security Measure (medidanan den seguridat di aviashon) inmediateamente despues di e atakenan riba “World Trade Center” den 2001. Esaki tabatin komo resultado ku Air Jamaica tabata por a kuminsá bula na Estádos Unídos for di djabièrnè Sèptèmber 14, 2001. Esaki a hasi Air Jamaica e promé Airolinea no merikano ku por a bula den espasio merikano. Señor Derby tabata responsabel tambe pa implementashon di e programa di siguridat pa Aviashon Sivil (National Civil Aviation Security programme) i tambe programa di kontrol di kalidat nashonal (National Quality Control Programme) i e tambe National Certification Training Programme.

Komo direktor general athuntu e tabatin bou di su enkargo Regulatory Affairs 2002-2008, e la renoba Civil Aviation Act i ordenansanan ku no tabata al kaso mas, i na su lugá implementá Regulations and Technical Guidance Material pa Inspektornan di siguridat den aviashon segun e modelo di ICAO, kual ta e International Civil Aviation Organization. Esaki a yuda ku Jamaica por a mantené kategoria 1 bou di FAAIASA- Programme. Durante e periodo aki e tabata na kabes di e GREPECAS komishon di siguridat pa Nort Amérika, Amérika Latino i tambe teritorio Karibense. Durante ku Señor Derby tabata direktor general di aviashon sivil di Jamaica, e la implementá e sistema di Passenger Aviation Service



KOMUNIKADO PA PRENSA

Fecha

5 Augustus 2013

Email

jhanirha.anita@gobiernu.cw

Nr.

Charge. Esaki ta un rekargo di servisio di aviashon pa pasahero kual a kontribuí na un oumento sustansial di ingreso pa aviashon sivil di Jamaica. Tambe e la implementá ICAO su plan di akshon korektivo inkluyendo aktualisashon di e leinan pa aviashon sivil.

Señor Derby ta miembro di diferente organisashonnan rekonosé den e mundu di Aviashon i ta gosa di un netwerk bastante amplio den nivelnan haltu di ICAO, ku ta e máximo outoridat den mundu di aviashon sivil. Kòrsou lo por hasi bon uso di tur e ekspertisio. Ta bon pa mensioná ku Señor Derby ta kasa ku un señora lokal ku tambe durante 10 aña a traha pa yuda drecha e sektor empresarial i tambe a duna un gran kontribushon den aviashon na Jamaica.

Minister Balborda ta sumamente satisfecho ku e logro aki, di a haña un profeshonal manera señor Derby pa bini traha pa nos na Kòrsou. Gobièrnu ta demonstrá di e forma aki ku ta trahando duru i serio pa asina kumpli ku tur e eksigensianan di FAA i pone Kòrsou bek na kategoria 1 mas pronto posibel.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su página di Facebook 'Earl W. Balborda, Minister VVRP'.